

Vlada RS-a nema novca za Merhametove javne kuhinje, ali ima za proslavu 9. januara

05/01/2017 08:28 by Administrator

Blizu 550 porodica u narednih nekoliko dana moglo bi ostati bez obroka jer su Merhametove kuhinje u Banjoj Luci, Bosanskom Novom (Novom Gradu), Bosanskoj Dubici (Kozarskoj Dubici) i Prijedoru pred zatvaranjem. Iako je iz budžeta Vlade Republike Srpske za 2016. godinu trebalo biti izdvojeno 200.000 KM, Merhamet je dobio 51.000 KM i objasnjenje da nema novca u budžetu.

"Merhamet u Banjoj Luci je dobio 10.000 KM, 9.000 KM u Prijedoru te po 8.000 u Bosanskoj Dubici (Kozarskoj Dubici), Derventi, Bratuncu i Doboju. Merhamet u Dubici sa 8.000 KM može funkcionisati 3-4 mjeseca i u 2017. godini nećemo biti u mogućnosti da hranimo ljude. Da nije dijaspore i ljudi dobre volje te privatnika koji nam pomažu davno bismo zatvorili kuhinju. Ovih dana se otkriva "gašenje", kazao je za Klix.ba predsjednik Merhameta u Bosanskoj Dubici Jasmin Spahić.

Â Jasmin Spahić

Zbog nedostatka sredstava u problemu neće biti samo korisnici javnih kuhinja, nego i stotine drugih porodica kojima Merhamet pomaže svaki mjesec. Koalicija za domovinu je tražila da Merhamet iz budžeta za 2017. godinu dobije 300.000 KM, ali s obzirom na to da prijedlog nije prihvaćen, budžet nije dobio potrebnu podršku.

"Samo za javnu kuhinju u Bosanskoj Dubici treba 50.000 KM godišnje, a za sve kuhinje blizu 400.000 KM. Bosanska Dubica je od Vijeća ministara prošle godine dobila 5.000 KM, od Kantona Sarajevo 2.000 KM i od potpredsjednice FBiH 1.000 KM. To je bila njihova dobra volja, ali ta sredstva nisu dovoljna. Osim toga, donatori koje smo imali sada odlaze u Tursku i Siriju", istakao je Spahić.

Âlan Koalicije za domovinu Nedim Âivić tvrdi da novca u budžetu ima i da još nije kasno da bude isplaćen.

"Vlada treba odgovoriti gdje je taj novac ako ga nema. Zato se štiti na najranjivijim kategorijama, kako objasniti ljudima koji s kanticom čekaju u redu za obrok, a vlada planirala zamjenu voznog parka i mnoge druge stvari na kojima se treba štedjeti? Poslije praznika bi trebalo da razgovaramo s premijerkom Âeljkom Cvijanović s kojom smo i dogovarali podršku budžeta prošle godine. Tražimo da se dogovor ispoštuje, jedino to možemo učiniti", kazao je Nedim Âivić za Klix.ba.

Â Nedim Âivić

U međuvremenu, dok je upitan obrok za stotine korisnika Merhametovih javnih kuhinja, među kojima ima svih nacionalnosti, samo u Bosanskoj Dubici je 30 posto korisnika koji nisu Bošnjaci, u Republici Srpskoj u ponedjeljak se najavljuje veličanstvena proslava nepoštivanja odluke Ustavnog suda BiH. Iako nije objavljeno koliko će biti izdvojenog novca biti potrošeno na obilježavanje 9. januara, pretpostavlja se da će manifestacija koštati znatno više od 110.000 KM koliko je izdvajano prije nego što je Ustavni sud BiH osporio Dan RS-a. Pretpostavlja se i da će spektakularna proslava dugoročno napuniti džepove korisnika javnih kuhinja i to bez obilježavanja s kanticom u redu, zbog čega se budžetska sredstva i izdvajaju za proslavu, a ne za njihovo preživljavanje.

Piše: A. Z./Klix.ba

BLUSRCU.BA - Stranica za sve banjalučane sirom svijeta!

<http://blusrcu.ba>

Izovro vijesti: klix.ba